

مکتبہ اسلامیہ

ادبی و سیاسی رسالہ اسبوعیہ در

۳۱ نجی سنہ

۱۱ ذی القعدہ ۱۳۲۹

پنجشنبہ

جزء عدد : ۱۱۹

يکي قوړوقلي ييلديز

استانبول آفاقده برقاچ کوندر ينه بر قوړوقلي ييلديز کورنمکده در . بويکي نجم کيسودار صباحلري قبل الشفق آلافرافه ساعت درت بمقدن بشه قدر يعنى صباح نمازندن يارم ساعت قدر اولدن اعتباراً سمت شرق قمزده ، زهره سياره تابدارينک تقريباً بش درجه قدر شرق جهتده و تام مطلع شمس استقامتده مشاهده ايديليور . و انفلاق شمس ايله برابر کوزدن نهان اولور . بنونظهور کوکب دنباله دارک رأس علي العاده قوړوقلي ييلديزلرک رأسه تماماً موافق برشکلده در . يعنى نوات نام مرکز رأسی تشکيل اتمکده اولوب پارلاقلى اوچنچي درجه در ييلديزک پارلاقغه مساوی بولمقدده در ، نواتی محیط اولان کيسو دخي کذا کافی درجه در فرق ايديليور ، قوړوغه کلجه رأسدن اعتباراً يدي سکز درجه مسافه به قدر اولدقجه منور ايسه ده آندن اعتباراً خفيف برسيس حالى اکنساب ايلديکنندن ابي سچيله مامکده و بناءً عليه کوزله باقلايني وقت طول حقيقيسى تعيين قابل اوله مامقدده در .

بويکي قوړوقلي ييلديز ، ايکي سنه دنبري شهر مزک آفاقده ظهورايدن کواکب ذوات الاذنابک اوچنجيسيدر . برنجيسى ، معلوم اولديني اوزره ۱۹۱۰ سنه سى کانون اولنده کوريلک باشلايه رق اول امرده سهواً (دره يق) تسميه اولنان وبالاخره (۱۹۱۰ آ) ييلديزى نامنى آلان بيوک نجم کيسودار در ، که بوييلديز اون ، اون بش کون قدر سمت غربي مزده رؤيت ايدلکدن صکره اک بيوک رصدخانه لوده بيله نه جهت ورودى ، نه ده نقطه غريمقى آکلاشيله مقسرين ، حتى (کميات وضعيه سى) بيله لايقيه تعيين ايدلکسرين کوزلردن غائب اولوب گتمشدى .

ايکنجيسى ايسه ، آن ورودي برچوق شايعه لره ، قيل وقاللره سببيت و پرده رک اذهان بسيله اربابى برخيلى اندیشه لره دوشورن وهله مطبوعات جهان کوزل

بر سرمایه بحث و مقال تشکیل ایدن مشهور (هاله‌ی) قویروقلی ییلدیزیدرکه بوکا
دائر جریان ایدن مباحث و وقوع بولان نشریات اصحاب مطالعاتک الآن خاطر لرند
اولسه کر کدر .

بر قاج کوندر کورونمکه باشلایهرق هنوز بزم مطبوعاتک لسانه دوشمیان بویکی
نجم کیسودارک ، اورویا رسائل فیه سنده شو کوندرده بحثی بکن و (۱۹۱۱ ژ) و یا
(به‌لیاوسکی) اسمیه ایدیلن قویروقلی ییلدیز اولسی اغلب احتمالدر . (به‌لیاوسکی) . قریمده واقع
(سمیه) (ارصدخانه‌سی منجملرندن برینک نامی اولوب بو ذات ، بکن ۲۸ یلول افرنجیده
آلات رصدیه سز رؤیتی قابل بر قویروقلی ییلدیز کشف ایلش وعینی ییلدیزک
ایکی کون صکرده (قوپناغ) ارصدخانه‌سی منجملرندن موسیو (سترومغرن) (ک
طرفندن ده رؤیت ایدیلدیکی (کیل) ارصدخانه سنده وارد اولان بر تلغرافنامه دن مستبان
اولمشر . رسائل فیه نک . موسیو (به‌لیاوسکی) طرفندن کشف اولنان ییلدیز
حقننده کی تعریفاتی . آفاقزده بش اون کوندر کوریلان قویروقلی ییلدیزک شکل
ومنوریت اعتبارله کیفیتنه توافق ایدیلدیکی جهتله بونو ظهور نجم کیسودارک
(به‌لیاوسکی) ییلدیزی اولسی قویاً مامولدر .

بوکوک دنباله دار ، بزده ایکی سنده در منظور اولان قویروقلی ییلدیزلرک
اوجنجیسی ایسه ده ایچنده بولندیلغز ۱۹۱۱ سنه افرنجیه سنک ایتداسندن بری مختلف رصد
خانه لرده کشف ورؤیت ایدیلان نجوم کیسودارک یدنجیسیدر . حتی بو اعتبار ایله
(۱۹۱۱) سنه سی ، «قویروقلی ییلدیزلر سالی» عنوانیه یاد ایدلسه بک موافق اولور .
فی الحقیقه سنه نک ایتداسندن بری مجامع فیه نک (شئون هیثیه) قسمته کوزکز دیرنلر
هرایکی اوج هفته ده بر ، (یکی بر قویروقلی ییلدیزدها) عنوانی آلتنده فقره لر کوره رک
دوچار حیرت اولمقده ایدیلر . بوییلدیزلر ، پیدر پی کشف ایدلجکه هم کاشفلرینک
اسمنه نسبتله یاد ایدلکده و هم ده عددلری تکثراتیدیکندن صره تریدلری کوزه دملک
ایچون هر برینه لاینن القباسنک (آ) دن اعتباراً حرقلری صره ایله تردیف
اولمقده در . مثلاً (به‌لیاوسکی) ییلدیزی ، زمان کشفی اعتباریه یدنجی اولدیفی
ایچون لاینن القباسنک یدنجی حرفی اولان (g) حرفنک علاوه سیله (۱۹۱۱ ژ)

يیلدیزی نامیله دخی یاد اولمخده در . آندن اول رؤیت ایدیلن دیگر آلتی قويروقلي ییلدیزه کلنجه بونلرک برایکی دانهمی ذاتاً بوسنه ورودلرینه انتظار اولنسان دوری کواکب ذوی الاذنابدن اولوب متابقیسی . یکدن کشف اولمخسرایسده جمله سنکده جسماتی آلتنجی . بدنجی درجهیی کچمه دیکی جهته هج برینی آلات رصدیه سز کورمک ممکن اولمامشدر .

قويروقلي ییلدیزلرک ظهوری قدیمدنبری تفال و اشام وادیسنده برطاقمظنون و او هام تولید ایدمکادیکی معلومدر . فی الحقیقه ساحه آسمانده نجوم نایسته نك منوریت سکوتخاسنی تماشا ایله الفت ایتمش اولان انظار قارشیسینده ناهنگام صورته کوریتان بر قويروقلي ییلدیزک شکل عجیبی ، سیرسراز آمیزی یالکز اذهان بسیطه اربانه دکل ، فقط متین الفکر اولانلرده ده اجرای تأثیر ایتمکدن خالی قالمامشدر . زمانمزه بیله فن و معارفک بوقدر ترقی یاب اولمسه سنه رغماً اک متمدن مملکتلرده بوکبی توهات و تخیلاتک تحت تأثیرنده قالانلر کوریلدور . نته کیم کچن سنه دورینی اکمال ایله کره مزک جوارندن کچمش اولان (هاله ی) کوکب مشهورینک ندرلو اشاعات و روایات تولید ایلدیکی ، بعض کیمسه لری نه بیسوک اندیشه و مراقله دوشور . دیکی هنوز اونودلماش اولمیدر . مع مافیه شوراسی جالب نظر دقتدرکه (هاله ی) نجم کیسودارینک بعض ورودلری بزده برطاقم وقوعات معظمه تاریخیه نك حادث اولدینی زمانلره مصادف اولیور . مثلاً بو ییلدیزک تاریخچه اک مشهور ظهورلرندن بری ، قسطنطنیه نك عثمانیلر طرفندن فتح ایدیلهرک تاریخ عالمده یکی بردوره کشاد ایلدیکی زمانه تصادف ایشمدر . حتی کچن سنه (هاله ی) ییلدیزی مناسبیتله تصویر افکارده مندرج بر قاج مقاله مزده و آریجه نشر ایتدی کیمز بر رساله ده (هاله) ک فتح قسطنطنیه عقبینده ورود و ظهورینک عالم نصرانیته ترکلرک موفقیتنه برنوع تقدیر سماوی کبی تلقی اولنهرق بابالر طرفندن ییلدیزک تلمین ایلدیکنی و بر آن اول نابید اولمسی ایچون کلیسالرده کچه گوندوز دعالر اوقوتدیرلدیغنی بر تفصل نقل و حکایه ایشدک . ینه اومقاله مزده (هاله ی) ک بودقمه کی ظهوری ده ، عینیه فتح قسطنطنیه زمانده اولدینی وجهله ، اعلان مشروطیتدن ایکی سنه صکرمیه تصادف ایلدیکنه جلب نظر

دقت ایله بورۇیتكده عجباً عثمانلیاڭك یكیدن اکتساب سطلوت ومكنتنه واعتسالی
شان وشکوهنه فال خیر عدایدنك لازمکلوب کلیهچکندن مقام لطیفهده بخت
ایتمشدک .

شمدی کورنمکده اولان یکی قویروقلی ییلدیزک ظهوری ده السنه عوامه
یاییلدینی وقت ینه برطاقم فرضیانه میدان ویرهجکی ومثلاً حرب حاضر ایله علاقه -
دار بولدینی احتمالی تولید ایدمچکی شبهه سزدر . معافییه احوال عمومیه مزک
جریان حاضری قارشوسنده چاره نجات ملتی بر مجزئه الهیه ظهورینه موقوف بیلهرک
سمواته نصب نکه تضرع ایدن بعض بداندیشان زمان ، شو برایکی سنه در بویله وقتلی
وقسنز کورینان کواکب گیسوداردن استنتاج احکامه قالمیشهرق عجباً بونلرک
مملکت ایچون فلاح نایذیر بر فلاکتهمی اشارت اولدینی ویا بوکون ، خارجاً وطنک
بر معزز قطعه سنه تسلط ایلش اولان اعدای بدطینتک اضمحلال قطعیمنه وداخله
اوچ سنه در امور اداره دولته مستولی اولان درت بش متغلب متمرک اداره کیفیه لرینه
ختم ویریلهرک ملتک نهایت حقیقی شهره ترقی و تکمله انهاج ایدیله چکنهمی دلالت
ایلدیکی سئوالی ایراددن منع نفس ایدم میورلر !

ع . ولید

